



**Lescha davart taxas da cura e
contribuziuns per promover il turissem**

C u n t e g n

I.	Determinaziuns generalas	3
Art. 1	Intent	3
Art. 2	Egualitat dallas schlatteinas	3
II.	Taxas da cura	3
Art. 3	Subject da taglia, taxa da cura	3
Art. 4	Deliberazion dalla taxa da cura	3
Art. 5	Object da taglia, taxa da cura	3
Art. 6	Fixaziun dalla taxa da cura tenor pernottaziuns	3
Art. 7	Fixaziun dalla taxa da cura tenor pauschalas	4
Art. 8	Diever dalla taxa da cura	4
III.	Contribuziun per promover il turissem	4
Art. 9	Subject da taglia, contribuziun per promover il turissem	4
Art. 10	Object da taglia, contribuziun per promover il turissem	5
Art. 11	Altezia dalla contribuziun per promover il turissem	5
Art. 12	Diever dalla contribuziun per promover il turissem	6
IV.	Ulteriuras contribuziuns	7
Art. 13	Contribuziun da vischnaunca	7
V.	Determinaziuns executoricas ed administrativas	7
Art. 14	Adattaziuns dallas tariffas	7
Art. 15	Taxa d'albiert cantunala	7
Art. 16	Administraziun ed execuziun	7
Art. 17	Reducziuns e relaschs	7
Art. 18	Incasso e responsabladad	7
Art. 19	Controlla ed obligaziun da dar sclariment	8
Art. 20	Obligaziun d'annunzia	8
VI.	Determinaziuns finalas	8
Art. 21	Disposiziuns penalas e taxaziun tenor apprezzaziun	8
Art. 22	Mieds legals	8
Art. 23	Dretg subsidiar	9
Art. 24	Abrogaziun e vigur	9

I. Determinaziuns generalas

Art. 1 Intent

La vischnaunca da Sumvitg incassescha ina taxa da cura ed ina contribuziun per promover il turissem. Il recav ei d'impunder exclusivamein tenor art. 8 ed art. 12 da questa lescha.

Art. 2 Equalitat dallas schlattineas

La denominaziun en questa lescha vala per persunas, funcziuns e mistregns dad omisduas schlattineas.

II. Taxes da cura

Art. 3 Subject da taglia, taxa da cura

¹ Scadin hosp che loschescha a Sumvitg paga ina taxa da cura per mintga pernottaziun.

² Hosp el senn da questa lescha ei scadina persuna naturala, che ha buca domicil principal da taglia a Sumvitg, aschinavon ch'ella loschescha en vischnaunca ed ha cheutras la pussevladad da far diever dils arranschaments ed indrezs turistics.

³ Proprietad da schischom a Sumvitg deliberescha buca dalla taxa da cura.

Art. 4 Deliberaziun dalla taxa da cura

Negina taxa da cura pagan:

- a) affons entochen 6 onns;
- b) militar e persunas dalla protecziun civila che prendan quartier;
- c) persunas che loscheschan a Sumvitg per raschuns professiunalas, denton buca participonts da dietas e d'occurrenzas, era sche quellas han ina finamira professiunala;
- d) hosphs che pernotteschan gratuitamein en casadas da persunas cun domicil principal da taglia en vischnaunca;
- e) persunas che pernotteschan en camonas alpinas (CAS);
- f) habitonts da casas da vegls e da tgira.

Art. 5 Object da taglia, taxa da cura

La taxa da cura vegn incassada per mintga pernottaziun dil hosp.

Art. 6 Fixaziun dalla taxa da cura tenor pernottaziuns¹

¹ La taxa da cura importa per:

- a) hotels, pensiuns, albierts, habitaziuns, casas da vacanzas, compras privatas, tegias da cuolm per:

persunas sur 12 onns	frs. 1.50 entochen frs. 3.00
affons da 6 -12 onns	frs. 0.90 entochen frs. 1.80

¹ Revisiun parziala tenor conclus dalla radunanza communalia dils 10-06-2005, approbada dalla Regenza Grischuna ils 28-06-2005 (protocol nr. 847)

- b) plazs da campar e rulottas, camps da tendas, camps da massa e da giuvenils per:
persunas sur 12 onns frs. 1.20 entochen frs. 2.40
affons da 6 -12 onns frs. 0.70 entochen frs. 1.40

² L'altezia dalla taxa da cura vegn fixada ella ordinaziun executorica tier questa lescha.

Art. 7 Fixaziun dalla taxa da cura tenor pauschalas

¹ Proprietaris e locataris stabels da habitaziuns e casas da vacanzas, da tegias da cuolm, da camps da tendas ni plazs da campar e rulottas, ils quals ston pagar tenor art. 3 la taxa da cura, san pagar quella per els e lur famiglia en fuorma d'ina pauschala annuala. Tier la famiglia saudan ils consorts respectiv partenaris da veta, ils affons, ils geniturs e sirs/siras.

² Per habitaziuns vegn la taxa pauschala definida tenor la grondezia ed importa:

<u>grondezia digl object</u>	<u>annual</u>	<u>meinsil</u>
habitaziun entochen 1 ½ stanza	frs. 80.00 entochen frs. 120.00	frs. 10.00
habitaziun entochen 2 ½ stanzas	frs. 100.00 entochen frs. 150.00	frs. 15.00
habitaziun entochen 3 ½ stanzas	frs. 150.00 entochen frs. 250.00	frs. 20.00
habitaziuns sur 3 ½ stanzas	frs. 200.00 entochen frs. 350.00	frs. 25.00
Pauschala per tegias da cuolm	frs. 60.00 entochen frs. 120.00	frs. 6.00

³ Il far giu quen tenor taxa meinsila ei lubiu mo sche la habitaziun ni la tegia vegnan affitadas per minimum duront 3 meins.

⁴ Per plazs stabels per tendas, rulottas ed auto-rulottas munta la pauschala frs. 150.00 per sesiun e frs. 250.00 per igl entir onn.

⁵ La damonda per ina pauschala ei da drizzar a Sumvitg Turissem. Las tariffas corrispondentas vegnan fixadas ella ordinaziun executorica tier questa lescha.

Art. 8 Diever dalla taxa da cura

Il recav dallas taxas da cura ei da duvrar mo per la finanziazion dad indrezs e d'arranschaments turistics che surveschan al hosp.

III. Contribuziun per promover il turissem

Art. 9 Subject da taglia, contribuziun per promover il turissem

¹ Obligadas da pagar contribuziuns per promover il turissem ein persunas naturalas cun budogn independent, sche lur domicil da taglia ni lur dimora ei en vischnaunca.

² Persunas giuridicas ein suttamessas a quella taglia, sche lur sedia ni l'administraziun effectiva sesanfla en vischnaunca.

³ Persunas ch'adempleschan buca quellas condiziuns ein medemamein obligadas da pagar contribuziuns per promover il turissem, sch'ellas ein proprietarias d'interpresa², partenarias ni guidiras d'interpresa ni meinan menaschis ni filialas.

⁴ Ina contribuziun per promover il turissem han da pagar:

² Revisiun parziala tenor conclus dalla radunanza communalia dils 02-06-2009, approvada dalla Regenza Grischuna ils 07-07-2009 (protocol nr. 753)

- a) menaschis da pernottaziun;
- b) parahotellaria;
- c) menaschis da mistregn, menaschis turistics, menaschis purils, menaschis d'industria, menaschis da commerci, menaschis da scolaziun cun intent primar da gudogn e menaschis da survetsch.

Art. 10 Object da taglia, contribuziun per promover il turissem

¹ Tutta activitad d'interpresa respectiv da professiun libra el turissem ei su ttamessa all'obligazion da pagar la contribuziun per promover il turissem.

² Persunas obligadas da pagar la contribuziun per promover il turissem cun parts da menaschi en pliras branschas/categorias ston pagar quella per mintga singula part. Persunas che san cumprovar che lur activitad ei buca ligiada al turissem, san sin damonda vegnir dispensadas da pagar contribuziuns per promover il turissem.

³ La contribuziun per promover il turissem vegn incassada tenor art. 11. La contribuziun tenor art. 11 b) secumpona d'ina contribuziun da basa e d'ina contribuziun per las persunas occupadas en media duront igl onn inclusiv proprietari da fatschenta e commembers da famiglia. La media annuala vegn calculada tenor la suandonta fuorma:

$$\frac{\text{persunas} \times \text{cuoz d'occupaziun meinsila}}{12}$$

Art. 11 Altezia dalla contribuziun per promover il turissem

¹ La contribuziun per promover il turissem vegn incassada tenor las suandontas tariffas:

a) hotels, pensiuns, casas d'albiert habitaziuns e casas da vacanzas, combras privatas,	per letg	frs. 8.00 entochen 10.00
camps da tendas, camps turistics, plazs da campar e rulottas	per plaz	frs. 4.00 entochen 8.00
camonas alpinas (CAS)	per plaz	frs. 4.00 entochen 8.00
tegias da cuolm	per tegia	frs. 20.00

Ei la contribuziun da hotels, pensiuns ed albierts pli pintga che menaschis da restauraziun en categoria 5 sto la contribuziun vegnir pagada tenor la categoria da menaschis da restauraziun.

b) ulterius obligai tenor art. 9 al. 4 lit. c) han da pagar la taxa conform allas suandontas categorias e contribuziuns:

Categoria 1

Menaschis da mistregn, menaschis purils (sur factur 0.3 forzas da lavur da standard ell'agricultura, tenor ordinazion federala SR 910.91), menaschis da transport e d'industria.

contribuziun da basa:	frs. 50.00
contribuziun tenor occupai:	
- 1 - 4 occupai	frs. 20.00 entochen frs. 40.00
- 5 - 20 occupai	frs. 70.00 entochen frs. 140.00
- 21 e dapli occupai	frs. 150.00 entochen frs. 300.00

Categoria 2

Menaschis da commerci sco per exemplu detaglists, coiffeurs, segiradas, professiuns libras sco fitness e fisioterapia.

contribuziun da basa:	frs. 50.00
contribuziun tenor occupai:	
- 1 - 3 occupai	frs. 30.00 entochen frs. 50.00
- 4 e dapli occupai	frs. 60.00 entochen frs. 120.00

Categoria 3

Apotecas, persunas cun gudogn independent sco per exemplu biros d'architectura, d'advocatura, commerci d'immobilias, biros d'inschigniers, fiduziarias.

contribuziun da basa:	frs. 100.00
contribuziun tenor occupai:	
- 1 - 3 occupai	frs. 50.00 entochen frs. 90.00
- 4 e dapli occupai	frs. 100.00 entochen frs. 150.00

Categoria 4

Bancas, dentists, miedis, veterinaris, medischina alternativa.

contribuziun da basa:	frs. 150.00
contribuziun tenor occupai:	
- 1 - 3 occupai	frs. 50.00 entochen frs. 100.00
- 4 e dapli occupai	frs. 110.00 entochen frs. 200.00

Categoria 5

Menaschis da restauraziun.

contribuziun da basa:	frs. 80.00
contribuziun tenor occupai:	
- 1 - 3 occupai	frs. 50.00 entochen frs. 90.00
- 4 e dapli occupai	frs. 100.00 entochen frs. 150.00

² Interpresas e persunas tenor art. 9 al. 4 lit. c) cun parts da menaschi da pliras categorias pagan mo ina gada la contribuziun da basa tenor la categoria alla quala la plipart dallas persunas occupadas appartegn.

³ Per emprendists e praticants eis ei buca da pagar ina contribuziun per promover il turissem.

⁴ La classificaziun vegn fatga dalla suprastonza da Sumvitg Turissem. Medemamein vegnan menaschis buca menziunai classificai dalla suprastonza da Sumvitg Turissem.

Art. 12 Diever dalla contribuziun per promover il turissem

Las entradas dalla contribuziun per promover il turissem ein d'impunder per expensas che vegnan fatgas per la plipart egl interess da quels che pagan la contribuziun. En special dueien las entradas possibilitar la promozion d'occurrenzas culturalas e sportivas cun bien effect da reclama.

IV. Ulteriuras contribuziuns

Art. 13 Contribuziun da vischnaunca

La vischnaunca coneda ina contribuziun annuala per promover il turissem. La contribuziun vegn fixada el rom dil preventiv.

V. Determinaziuns executoricas ed administrativas

Art. 14 Adattaziuns dallas tariffas

Sin proposta da Sumvitg Turissem sa la suprastonza communalia midar l'altezia dallas taxas e contribuziuns cuntenidas ell'ordinaziun executorica tier questa lescha.

Art. 15 Taxa d'albiert cantunala³

Art. 16 Administraziun ed execuziun

¹ L'uniun Sumvitg Turissem vegn incaricada d'exequir questa lescha da taxas da cura e contribuziuns per promover il turissem. Ella meina la controlla ufficiala dils hospes en visch-naunca ed administrescha las entradas.

² Il quen vegn presentaus annualmein per investa alla suprastonza communalia. Igl incasso ed il diever dallas taxas da cura e dallas contribuziuns per promover il turissem ston figurar singul el quen.

Art. 17 Reducziuns e relaschs

¹ En cass specials sa la suprastonza communalia reducir ni relaschar la taxa da cura per persunas singulas ni gruppas sin proposta da Sumvitg Turissem. Reducziuns e relaschs ston esser motivai. Da risguardar ei, en tgei fuorma ch'ils deliberai dalla taxa da cura san far diever dils indrezs ed arranschaments turistics en visch-naunca.

² Sin fundament d'ina damonda e suenter consultaziun da Sumvitg Turissem sa la suprastonza communalia decretar excepziuns da l'obligaziun da contribuziun per promover il turissem el senn d'ina reducziun u d'ina deliberaziun. Per accordar in'excepziun dependa ei tgei cumpart dall'occupaziun dalla persuna che sa vegnir attribuida al turissem.

Art. 18 Incasso e responsablidad

Il proprietari/locatur procura pigl incasso dallas taxas e contribuziuns da cura da tuttas persunas obligadas a quella. Ensemen culs hospes stat el solidaricamein buns per las taxas ch'ils hospes debiteschan.

³ Abrogau en connex cun la revisiun parziale tenor conclus dalla radunanza communalia dils 02-06-2009, approbada dalla Regenza Grischuna ils 07-07-2009 (protocol nr. 753)

Art. 19 Controlla ed obligaziun da dar sclariment

¹ La suprastonza da Sumvitg Turissem ei legitimada da far ni schar far controllas davart las annunzias e dimora dils hospes. Als organs da controlla ein ils documents necessaris da presentar per investa (p.ex. cudsich ufficial d'enscriver).

² La suprastonza da Sumvitg Turissem ei legitimada da far ni schar far controllas davart las indicaziuns tiels menaschis ch'ein suttamess agl art. 9 da questa lescha.

³ Persunas ch'ein suttamessas agl art. 9 ein obligadas da dar las indicaziuns necessarias a Sumvitg Turissem.

Art. 20 Obligaziun d'annunzia

a) Taxa da cura:

Scadin proprietari/locatur ei obligaus da menar ina controlla da tut ses hospes.

Liberis da quella obligaziun ein proprietaris e locaturs stabels ch'ein tenor art. 7 suttamess alla taxa da cura, ils quals pagan ina pauschala annuala enstagl d'ina taxa per pernottaziun. Els ein denton obligai d'indicar en il formular da controlla las persunas ed il temps occupau.

b) Contribuziun per promover il turissem:

Tgi chiei suttamess all'obligaziun da pagar la contribuziun per promover il turissem survegn mintgamai ils formulars necessaris da Sumvitg Turissem.

VI. Determinaziuns finalas

Art. 21 Disposiziuns penales e taxaziun tenor apprezzaziun⁴

¹ Sin proposta da Sumvitg Turissem vegnan cuntravenziuns da questa lescha punidas digl uffeci da taglia communal cun castitgs da frs. 100.00 entochen frs. 1'000.00.

² Vegr la taxaziun engreviada entras il locatur ni insumma buca possibilitada, sa igl uffeci da taglia communal - sin proposta da Sumvitg Turissem - fixar sezza quella tenor beinapprezziar. Ina taxaziun tenor beinapprezziar astga denton succeder mo lu, sch'il locatur ei vegnius avisaus ed admonius.

³ Encunter ina taxaziun tenor beinapprezziar sa mo vegnir purtau plogn cun la reproscha ch'ella seigi arbitraria.

Art. 22 Mieds legals⁵

¹ Encunter in quen ni ina disposizion sa il pertuccau protestar enteifer 30 dis dapi la comunicaziun alla suprastonza da Sumvitg Turissem. La protesta ha da succeder a secret cun aschuntar ils mussaments necessaris.

² La suprastonza da Sumvitg Turissem relai ina decisiun da protesta motivada en secret. Encunter quella decisiun sa vegnir recurriu enteifer 30 dis tier igl uffeci da taglia communal dapi la communicaziun.

⁴ Revisiun parziala tenor conclus dalla radunanza communala dils 02-06-2009, approvada dalla Regenza Grischuna ils 07-07-2009 (protocol nr. 753)

⁵ Revisiun parziala tenor conclus dalla radunanza communala dils 02-06-2009, approvada dalla Regenza Grischuna ils 07-07-2009 (protocol nr. 753)

³ Encunter decisiuns davart recuors tractadas digl uffeci da taglia communal sa veginr recurriu enteifer 30 dis suenter la communicaziun tier la Dertgira administrativa dil cantun Grischun.

⁴ Tuttas decisiuns ston cuntener in sclariment davart ils mieds legals.

Art. 23 Dretg subsidiar

Aschilunsch che questa lescha ni sias determinaziuns executivas cuntegnan negina reglazion finala, vala mintgamai subsidarmein la lescha da taglia vertenta dil cantun Grischun (DG 720.000).

Art. 24 Abrogaziun e vigur⁶

¹ Questa lescha ei veginida approbada dalla radunanza communal dils 11-12-2001 e passa en vigur suenter l'approbazion entra la Regenza Grischuna cun ils 01-01-2002.

² Ella remplazza la lescha davart taxas da cura dalla vischnaunca da Sumvitg dils 01-06-1984.

³ Cun l'entrada en vigur da questa lescha vegin tuttas disposiziuns dalla vischnaunca che cunterfan a quella annulladas.

⁴ L'emprema revisiun da quella lescha ei veginida approbada entra la radunanza communal dils 02-06-2009 e passa cun ils 01-07-2009 en vigur.

Il president communal

sig. Walter Depalzes

Il canzlist communal

sig. Patrick Schaniel

Approbau dalla Regenza dil cantun Grischun tenor conclus dils 07-07-2009 (protocol nr. 753).

En num della Regenza

Il president

sig. Hansjörg Trachsel

Il cancelier

sig. dr. Claudio Riesen

⁶ Revisiun parziale tenor conclus dalla radunanza communal dils 02-06-2009, approbada dalla Regenza Grischuna ils 07-07-2009 (protocol nr. 753)